

Lahu-Shi - Thaer khuhq che Liq Phu - Salvation Scriptures

Ef. - Ed fed suq liq 2:2 Pong lag thad nig hehd mig gig ve awg lid awg khad teq pa awg khad haq kae che awg khuhn, vend bax teq pa haq te che yaog. Awg yand u ve haq, muhd-aq lo ve kand pax haq uq penr che phad awg khad haq liz nig hehd kae che yaog. Yawd awr lehr, maq na yug che chaw teq pa ve ni ma awg khuhn kanx te che awg ha phehq che yaog.

Mt. - Mar thehr liq 6:10 Nawg ved muhd mig mig gig thang huh cawg vid-oq. Muhd nuh maq lo nawg ved a lor cawd che heh mig gig yad teq pa liz nawg ved a lor cawd che haq ghaq te vid-oq.

Lk. - Lud kar liq 22:42 "A pa-og, nawg ni ma cawd ver, kawz khehd che ve haq ngag gha pong tug a cehax tea laoq. Kheh ma khuhd, ngag ved a lor cawd che heh tad phehq vid. Nawg ved a lor cawd che heh phehq vid," lehd koz bon lawg che yaog.

Yod hanr liq 16:7-9 Kheh ma khuhd, ngag nig hehd haq thed-e ghad koz ax laq, ngag koeq che awr lehr nig hehd awg pun awg bon cawg che yaog. Awg lawn ghood ver, ngag mad koeq ver, Ga vid var nig hehd geh lo mad lag hawg. Kheh ma khuhd ngag koeq ver, ngag yawd haq nig hehd geh lo lag peha tug yaog. 8 Yawd lag che te yand, vend bax awg lawn lehd ma koz, thed che cawd che awg lawn lehd ma koz, suhx jehg suhx taz che awg lawn lehd ma koz, mig gig yad teq pa awr lehr awg ceng che teq pa haq caz daq che awg lawn haq i hehd duhd yaq chehd che yaog lehz yawd i hehd haq kha sehax pheq maw vid tug yaog. 9 I hehd ngag haq maq yonr che haq te lehq, vend bax awg lawn pheq mar vid tug yaog.

2 Tiq mod ser liq 2:10 Che ve haq te lehq, Ghig sa lez yug lar che chaw teq pa awg pun awg ceng gha lia haq ngag yeg khanr che yaog. I hehd liz Yer suq Khreq khuhn thaer khuhq che he lehq co co taer taer awg mig awg phond haq gha tug awg pun yaog.

Rod maq liq 15:20,21 Kheh te lehq, yehg awg cuhz penr haq su te lar che awg thag huh ngag mad kawq cax te tug, Khreq ve awg meh haq maq gha kad jaw ser che chehd kig teq pa awg khuhn lehax ngag ha lehg che bon khuhd mar vid gad jad che yaog. 21 Liq phu khuhn buhq lar che heh, "Yawd ved awg lawn haq su ma koz mar vid jaw che chaw liz, gha mawg tug yaog. Yawd ved awg lawn haq maq gha kad jaw che chaw liz, gha sir tug yaog," lehd koz buhq lar che yaog.

Cuh yad liq 2:36,37 Kheh te cheaq te lehq Id sar rer laq chaw teq pa nig hehd awg cehg mag sir laor. Nig hehd laq kan thag huh thag vehr lar che Yer suq che te ghad haq Ghig sa awr lehr, yawd haq Jawd mawd he lehq Khreq yug te vid lar che yaog," lehz Per troq koz che yaog. 37 Chaw u ve teq pa tawd khuhd che ve haq gha kad lehq i hehd ve ni ma haq joz jad lehq "A vix a nax teq paog, a nig khawd-ehg kheh gha te lawg le" lehd koz lehq Per troq he lehg awg chawd teq pa haq na ngawx che yaog.

He. - Her brehd liq 4:2 Awg lawn ghood ver, i hehd ha lehg che bon khuhd gha kad che heh, a nig liz gha kad peor. Kheh ma khuhd, i hehd gha kad che bon khuhd haq maq yonr che haq te lehq, i hehd awg pun awg bon mad cawg.

Yrm. - Yer rar miq 24:7 - Mt. - Mar thehr liq 22:37 Yer suq kawq koz vid che, "Nawg ved ni ma awg gha lia, nawg ved co ha awg gha lia he lehq nawg ved duhd khad awg gha lia nawg ved Jawd mawd Ghig sa haq gha haq che yaog."

Cuh yad liq 16:14 Awg yand u ve khuhn, Yud daq chaw ma hez che Ghig sa haq a kor pi che Lud di meh che yad mig te ghad ngag hehd ve tawd khuhd haq na chehd che yaog. Yawd awr lehr, pha naz miax te che haq huhd che Sar tir rehd med yad phehq che yaog. Pawd loq ve tawd khuhd haq na yug tug, Jawd mawd Ghig sa yawd ved ni ma haq phaw vid che yaog.

Mt. - Mar thehr liq 13:14-16 Cuh kar var Id sar yaq koz lar che tawd khuhd i hehd khuhn phehaq che yaog. Yawd koz lar che, 'Nig hehd awg cehg mag gha kad liz, na maq gha hawg. Nig hehd awg cehg mag gha mawg liz, maq sir hawg. 15 Awg lawn ghod ver, chaw ceng che ve mehz sir haq hoz tehr lar lehq nar puh liz chuhd lar lehq, ni ma liz heh cheaq te lehq i hehd kad liz mag na gha, mawg liz maq sir, ni ma khuhn liz maq gehg che yaog. Kheh mehz ver, ngag geh phuhz kawaq heh ver ghu na vid che haq gha tug yaog,' lehd koz che yaog. 16 Kheh ma khuhd nig hehd ve mehz sir mawg lehq nar puh liz gha kad che awr lehr, awg bon ir jad che yaog.

Isy. - Id sar yaq 6:9,10 - Cuh yad liq 28:27 Awg lawn ghod ver, chaw ceng che ve mehz sir haq hoz tehr lar lehq nar puh liz chuhd lar lehq, ni ma liz heh cheaq te lehq, i hehd kad liz maq na gha mawg liz maq sir, ni ma khuhn liz maq gehg che yaog. Kheh mehz ver, ngag geh phuhz kawaq heh ver ghu na vid che haq gha tug yaog,' lehd koz lar che yaog.

Mk. - Mar koq liq 4:11,12 Yer suq i hehd haq koz vid che, "Ghig sa ve muhd mig awg lawn khuhd ceh lar che awg ceng teq pa nig hehd haq sir vid gha che yaog. Kheh ma khuhd, maq yonr che chaw teq pa haq awr lehr, awg gha lia tawd par hax lehax gha te mar vid che yaog. 12 A thoq haq te lehq le lehd koz ver, I hehd ngawx chehd liz ngawx mad mawg. I hehd kad chehd liz na maq gha. Che kheh ma hez ver, i hehd kawq phuhz kawaq lehq i hehd ve vend bax phehd kha tug yaog," lehd koz che yaog.

Yod hanr liq 12:39,40 Kheh te cheaq te lehq i hehd yonr maq gha. Awg lawn ghod ver, Id sar yaq te pawz kawq koz che, 40 "I hehd mehz sir maq gha mawg tug, ni ma maq gha duhd pawnr tug he lehq ni ma mad kawq pa lehq ngag i hehd haq maq gha ghu na tug, i hehd ve mehz sir haq yawd cox vid lar lehq, i hehd ve ni ma haq yawd heh vid lar peg che yaog," lehd koz che yaog.

Rod maq liq 11:7,8 Kheh te lehq, khawd-ehg kheh le. Id sar rer laq chaw teq pa awr lehr, i hehd ca che haq maq gha. Lez yug lar che chaw teq pa lehax gha lehq, ma lez yug lar che chaw teq pa awr lehr, Ghig sa i hehd ve ni ma haq heh vid vehr che yaog. 8 Liq phu khuhn koz che heh, "Yaq ni kha gag yuhq mir ka chehd che ni ma lehd ma koz, mad mawg vix che mehz sir lehd ma koz, ma kad vix che nar puh lehd ma koz, Ghig sa i hehd haq pid che yaog," lehd koz lar che yaog.

2 Thed sar lawd niq liq 2:10-12 lug vehr sez vehr tug chaw u ve teq pa haq her ka yug beg yug gha tug, ma thed ma cawd che awg ceng gha lia haq yehd che awg khuhn lehd ma koz, yawd lag tug yaog. Lug vehr sez vehr tug chaw teq pa awr lehr, thaer khuhq che haq gha tug, thed che cawd che ted ceng haq haq che ni ma mad cawg che haq te lehq, lug vehr sez vehr tug yaog. 11/12 Kheh te cheaq te lehq, thed che cawd che ted ceng haq maq yonr lehq ma thed ma cawd che ted ceng awg khuhn ha lehg che chaw awg gha lia haq suhx taz vid tug, ma hez hez che u ve haq i hehd yonr tug awg pun duhd yaq jad che ted ceng Ghig sa i hehd

awg thag huh lag vid che yaog.

Mt. - Mar thehr liq 13:18-23 Awg yuhd ser var ve awg lawn tawd par hax te mar lar che cuhx kig haq kha sehax na lar. 19 Chaw te ghad Ghig sa ve muhd mig awg lawn gha kad lehq na maq gha ver, ned haeg lag lehq yawd ved ni ma khuhn lo ser lar che awg yuhd haq yug tuhz vehr che yaog. Che ve awr lehr, yaq kaw khuhn che che awg yuhd haq koz che yaog. 20 Huhx meh de lo che che awg yuhd awg lawn awr lehr, bon khuhd haq gha kad lehq teq pear lehax har naq ha lehg ha ka haq yug che chaw haq koz che yaog. 21 Kheh ma khuhd bon khuhd u ve haq te lehq tuq che khanr che he lehq du deh che haq gha phud che te yand, yawd ved ni ma sir khuhn awg chi kha sehax ma cuhz yeg cheaq te lehq, khanr ma ghad lehq teq pear lehax yawd chid bag vehr che yaog. 22 A chud de lo che che awg yuhd awg lawn awr lehr, bon khuhd u ve haq gha kad liz mig gig khod-aq lo ve duhd har tug awg ceng teq pa he lehq phu si med nged jeg kor teq pa bon khuhd u ve haq hoz beh lar cheaq te lehq awg sir nuhq maq gha che chaw haq koz che yaog. 23 Mig khid daq kig lo che che awg yuhd awg lawn awr lehr, bon khuhd u ve haq gha kad lehq na gha che chaw teq pa haq koz che yaog. I hehd teq pa ted pehg pehar teq ha pun, ted pehg pehar khuhq chi pun he lehq ted pehg pehar sehz chi pun awg sir nuhaq che yaog," lehd koz vid che yaog.

2 Kawd renr thuq liq 3:15,16 Yaq ni kha gag, khar ve te yand lehd ma koz, Mod ser ve liq haq ghawn che te yand, i hehd ve ni ma haq pha beh lar ser che yaog. 16 Kheh ma khuhd, khar ve te yand lehd ma koz, Jawd mawd Yer suq geh phuhz kawaq ver, beh lar che pha u ve haq leg kha tug yaog.

Hs. - Hawd ser 11:3-7 - Mt. - Mar thehr liq 11:28-30 Kanx te heg lehq med nged puhd huhd che chaw awg gha lia ngag chehd lo laor. Ngag nig hehd haq ghad jehd vid tug yaog. 29 Ngag ved taz tug haq taz lehq ngag geh hend yug laoq. Awg lawn ghod ver ngag awr lehr, ni ma nud nud nehg nehg cawg lehq nig hehd ve ni ma liz ghad gha jehd tug yaog. 30 Awg lawn ghod ver ngag ved taz tug taz sa lehq ngag ved awg veg liz lawg che yaog," lehd koz che yaog.

Cuh yad liq 26:18 Nawg i hehd ve mehz sir haq phaw vid lehq i hehd teq pa mehz mawg vehr cheaq te lehq, naz hoq che khuhn phuhz kawaq lehq, awg ghiz lo lag tug yaog. Cheaq keh liz Sar tanr ve kand pax haq phuhz khuhq lar haz lehq Ghig sa chehd lo lag tug yaog. Kheh te ver, i hehd ve vend bax phehd kha che haq liz gha lehq ngag haq yonr che awg khuhn daq vehr kehg vehr che chaw teq pa geh teq geha gha chehd tug yaog.'

2 Tiq mod ser liq 2:24-26 Jawd mawd Ghig sa ve awg ceg teq pa awr lehr, ded daq yaq daq che chaw maq gha phehq. Yawd awr lehr, chaw awg gha lia haq ni ma nud nehg che chaw, mar vid vix che chaw he lehq yeg khanr vix che chaw gha phehq che yaog. 25 Yawd haq tawr daq che chaw teq pa haq ni ma nud nehg che awg khuhn mar vid vix che chaw liz gha phehq che yaog. U kheh te ver, thed che cawd che ted ceng haq i hehd sir phehq tug, i hehd vend bax duhd phuhz tug Ghig sa te vid tug lehq nar maq sir. 26 Kheh te lehq, ned haeg ve a lor haq te tug awg pun i hehd haq ned haeg pheh yug lar peg liz, i hehd kawq sir lehq ned haeg ve va awg khuhn gha pong tug yaog.

Pheq mar liq 3:17-19 Awg lawn ghod ver, nawg koz che, Ngag awr lehr paw sa che yaog. Med nged jeg kor kha peh ghawz phoz lar peor. Ngag teq chaweh liz maq

lor lehd nawg koz che liz, nawg awr Lehr khawd-ehg ma phehq bawg tug cawg che, khawd-ehg ma har kax tug cawg che he lehq khawd-ehg ma har ghuhd chehd che haq nawg maq sir. Nawg mehz cox lehq awg ku ni phehq chehd che haq liz nawg maq sir law lehg. 18 Kheh te lehq, ngag nawg haq awg khad che kheh koz mar ax che yaog. Nawg paw sa vid tug, a mir awg khuhn lawr lar che si haq lehd ma koz, nawg awg ku ni te che haq su maq gha mawg lehq nawg maq gha yaq taw tug, phu che beg ke haq lehd ma koz, nawg mehz mawg vid tug, mehz sir khuhn ke tug naz chuhd haq lehd ma koz, ngag geh ca vig laoq. 19 Ngag haq che chaw teq pa haq ngag ded mar vid lehq, kha nehax jawq mar vid che yaog. Kheh te cheaq te lehq, kha nehax kawq cud cad lehq vend bax haq duhd phuhz-oq.

2 Kawd renr thuq liq 7:10 Awg lawn ghod ver, Ghig sa he gad che duhd har che ted ceng awr Lehr, thaer khuhq che haq gha thad kha gag, vend bax duhd phuhz che ted ceng haq te tuhaz che yaog. U kheh te ver, ni ma lug tug mad cawg. Kheh ma khuhd, mig gig haq caz daq che duhd har che ted ceng awr Lehr, suh che ted ceng haq te tuhaz che yaog. 1 Jawd Mawd 18:37 - Ghig turn heart back to Ghig.

2 Kawd renr thuq liq 4:4 Ghig sa ve awg hoq awg han phehq che Khreq ve awg mig awg phond haq caz daq che ha lehg che bon khuhd awg ghiz awr Lehr, maq yonr che chaw teq pa awg khuhn maq gha paw vid tug, mig gig che veaq ve ghig sa awr Lehr i hehd ve ni ma haq naz tud vid tug te che yaog.

Lk. - Lud kar liq 8:11-15 Tawd par hax che cuhx kig awr Lehr, che kheh yaog. Awg yuhd awr Lehr, Ghig sa ve bon khuhd yaog. 12 Yaq kaw khuhn ve chaw lehd koz che teq pa awr Lehr, bon khuhd u ve haq i hehd gha kad peg liz khawd-ehg te lehq i hehd maq gha yonr tug he lehq thaer khuhq che haq maq gha vid tug, ned haeg Sar tanr lag lehq i hehd ni ma khuhn ve bon khuhd u ve haq yug kha vehr che yaog. 13 Huhx meh thag lo ve chaw lehd koz che teq pa awr Lehr, bon khuhd u ve haq gha kad lehq ha lehg ha ka haq yug che chaw teq pa haq koz che yaog. Kheh ma khuhd, i hehd awg chi ma cuhz nax cheaq te lehq, teq cuhx teq jaw nehax lehax yonr lehq ber che lawd cheaq gha phud ver kawq lug vehr che yaog. 14 A chud de khuhn ve chaw lehd koz che teq pa awr Lehr, i hehd bon khuhd haq gha kad peg che chaw teq pa yaog. Kheh ma khuhd, i hehd mig gig khod-aq lo a saq teq chehd che te yand, duhd har gad har che teq pa, paw sa che teq pa he lehq ha lehg tug awg ceng teq pa i hehd haq hoz lar lehq, awg sir nuhaq maq gha. 15 Mig gig daq kig lo ve chaw lehd koz che teq pa awr Lehr, daq che ni ma awg khuhn gha kad che chaw teq pa haq koz che yaog. I hehd awr Lehr, bon khuhd u ve haq cuhz cid lar lehq, yeg khanr che khuhn awg sir nuhaq che yaog.

Cuh yad liq 15:11 Kheh ma khuhd a nig liz, i hehd heh te lehq, Jawd mawd Yer suq ve awg bon haq lehax te lehq, thaer khuhq che gha tug haq a nig yonr che yaog," lehz Per troq koz vid che yaog.

Rod maq liq 8:13 Awg lawn ghod ver, nig hehd awr Lehr awg suhr awg sar a lor awg khad haq a saq teq che ver, nig hehd gha suh tug yaog. Kheh ma khuhd, nig hehd awr Lehr Awg ha phu haq cud lehq awg ton te che kanx teq pa haq suh vid che ver, nig hehd co ha gha teq tug yaog.

Pastor T. John Franklin

Church of Salvation, Healing, and Deliverance - COS-HAD.org